

乙
八

雲仙雜記

乙八

雲仙雜記

龍威秘書二集

第八冊目錄

雲仙雜記

唐馮贇



欽定四庫全書簡明目錄

舊本題唐馮贇撰或以爲王銍所僞作也皆雜記古人逸事各注其所出之書而其書皆古來史志所不載依託顯然然工於造語詞賦家轉相引用知其贗而不能廢焉

雲仙雜記

唐 馮贇

幽人筆

司空圖隱於中條山芟松枝爲筆管人問之曰幽人筆正當如是

汗漫錄

飛雲履

白樂天燒丹于廬山草堂作飛雲履玄綾爲質四面以素絹作雲朶染以四選香振履則如烟霧樂天着示山中道友曰吾足下生雲計不久上升朱府矣

樵人

直說

孫登琴

孫登琴遇雨心有響如刃物聲竟因陰雨破作數截
有黑蛟踊去金徽變化篇

碁聲與律呂相應

元頤本棋枰聲與律呂相應蓋用響玉為盤非有異
術也棋天洞覽

紅白二墨

楚王靈夢使人造紅白二墨為戲及書寫衣服黑衣

用白書白衣用紅書白成一家

大唐龍髓記

龍耳李

崔奉國家一種李肉厚而無核識者曰天罰乖龍必割其耳耳血墮地故生此李

琴莊美事

瑠黃椀

元載飲食冷物用瑠黃椀熱物用泛水羹器器有三

千事

出樞要錄

無塵子

方鎔隱天門山以櫻櫚葉拂書號曰無塵子月以酒

脯祭之

出高士春秋

惜春御史

穆宗每宮中花開則以重頂帳蒙蔽欄檻置惜春御史掌之號曰括香

王塵集

黑松使者

元宗御案墨曰龍香劑一日見墨上有小道士如蠅而行上叱之卽呼萬歲曰臣卽墨之精黑松使者也凡世人有文者其墨上皆有龍賓十二上神之乃以墨分賜掌文官

出陶家餅餘事

柳神九烈君

李固言未第前行古柳下聞有彈指聲固言問之應
曰吾柳神九烈君已用柳汁染子衣矣科第無疑果
得藍袍當以棗餠祠我固言許之未幾狀元及第出
集峯

六鼻鏡生雲烟

黃巢陷京城南唐王氏有鏡六鼻常生雲烟照之則
左右前三方事皆見王氏向京城照之巢寇兵甲如
在目前上平都邑以映日紗囊取入禁中

出纂異記

文星典吏

杜子美十餘歲夢人令采文于康水。覺而問人此水在二十里。乃往求之。見鵝冠童子告曰。汝本文星典吏。天使汝下謫爲唐世文章海。九雲誥已降。可於豆壚下取。甫依其言。果得一石。金字曰詩王本在陳芳國。九夜捫之。麟篆熟聲振。扶桑享天福。後因佩入葱市。歸而飛火滿室。有聲曰。邂逅穢吾。令汝文而不貴。
覽出文

玄山印記

陳茂爲尚書郎每書信印記曰玄山典記又曰玄山印擣朱礬澆麝酒閑則匣以鎮犀養以逆雲香印書達數十里香不斷印刻胭脂木爲之

出玄山記

水玉數珠

房次律弟子金圖十二歲時次律徵問葛洪仙籙中事以水玉數珠手節之凡兩逼近二百事琅琅誦之不止次律賞以轉枝梨

童子通神集

爲梨花洗粧

洛陽梨花時人多攜酒其下曰爲梨花洗粧或至買

樹唐餘錄

籠桶衫柿油巾

杜甫在蜀日以七金買黃兒米半籃細子魚一串籠桶衫柿油巾皆蜀人奉養之粗者

出浣花旅地志

石斧銘

玄針子得石斧銘曰天雷火速文步敲石柱子如其言詩如蒸雲千步千首

清異志

棠木印

張寶凡衣服綵帛皆以所任官印之白黃物以墨紅

黑物以粉常曰此印賢於掌庫奴遠矣。文字亦然。人收寶文以有棠木印者爲真。

張寶就甲錄

鳳窠羣女

姑臧太守張憲使娼妓戴拂壺中錦仙裳。密粉淡粧。使侍閣下。奏書者號傳芳妓。酌酒者號龍津女。傳食者號仙盤。使代書札者號墨娥。按香者號麝姬。掌詩藁者號雙清子。諸倡曰鳳窠羣女。又曰團雲隊。曳雲仙。出姑臧前後記。

地仙圖

號州別駕竇淝以當歸爲地。仙圓曰：使血海增光，以棗木爲杵，白號金剛骨。

出三堂往事

涼物

房壽六月召客坐糠竹簟。凭狐文几，編香藤爲俎。刻椰子爲杯，搗蓮花製碧芳酒，調羊酪造含風鮓，皆涼物也。壽勸吳田以輓轡瓮田懼其深曰：但見龍門溪水濯麴蘖腸耳。

出叩頭錄

梅粧閣

郭元振落梅粧閣有婢數十人，客至則拖鴛鴦擷裙。

衫一曲終則賞以糖雞卵。明聲也。宴罷散九和握香。
出敘
聞錄

洛陽歲節

洛陽人家正旦造絲雞。葛燕粉荔枝。正月十五日造
火蛾兒食玉梁。餠寒食裝萬花。輿煮楊花粥。端午朮
羹艾酒以花絲樓閣插髻。贈遺辟瘟扇。乞巧使蜘蛛
結萬字。造明星酒裝同心。膾重九迎涼脯羊肝餅佩
瘦木符。冬至煎餠絲珠戴。一陽巾。除夜銅刀刻門埋
小兒硯點水盆燈。臘日造脂花餠。金門歲節

旃檀寺春秋二會

旃檀寺悟本詩春秋二會飲牛乳爲龍華飯供獻結
綵錢爲幡蓋設客以吳興鸞團糟授戒者施以般若
錢求男者解密珠璫出僧園逸錄

搔首問青天

李白登華山落鴈峯曰此山最高呼吸之氣想通天
帝座矣恨不攜謝眺驚人詩來搔首問青天耳搔首集

清高門戶

樂天語人曰吾已脫去利名枷鎖開清高門戶但蓮

龔子母丹不知何時可成

自慶傳

午橋莊

裴令臨終告門人曰吾死無所繫但午橋莊松雪嶺未成軟碧池繡尾魚未長漢書未終篇爲可恨爾

出晉

公遺語

養硯墨筆紙

養筆以硯黃酒舒其毫養紙以芙蓉粉借其色養硯以文綾蓋貴乎隔塵養墨以豹皮囊貴乎遠濕逢溪子遵之

文房寶飾